

ՏԵՂԵԿԱՆՔ-ՀԱՇՎԵՏՎՈՒԹՅՈՒՆ

/2010թ.-ի ընթացքում մարդկանց շահագործման՝ «Թրաֆիքինգի» դեմ պայքարի ուղղությամբ ՀՀ ոստիկանության աշխատակիցների կողմից իրականացված աշխատանքների մասին/

ՀՀ քրեական օրենսգրքի 132, 132¹ հոդվածներ

«Շահագործման նպատակով մարդուն հավաքագրելը, փոխադրելը, հանձնելը, թաքցնելը կամ ստանալը»

«Մարդուն պոռնկության կամ սեռական շահագործման այլ ձևերի մեջ, հարկադիր աշխատանքի կամ ծառայությունների ներգրավելը կամ ստրկության կամ ստրկությանը նմանվող վիճակի մեջ դնելը կամ պահելը»

2010թ.-ի ընթացքում ՀՀ ոստիկանության կողմից ՀՀ քրեական օրենսգրքի 132-րդ, 132¹-րդ հոդվածների հատկանիշներով՝ հարուցվել են քրեական 11 գործեր, վերսկսվել է 3-ի վարույթը, և ևս 1 գործ 2009թ.-ին հարուցվել է ՀՀ քր.օր.-ի 261-րդ հոդվածով, փոխանցվել 2010թ. այնուհետև 22.03.10թ.-ին վերավորակվել է 132¹ հոդվածի:

Ընդհանուր առմամբ 2010թ.-ի ընթացքում ՀՀ քրեական օրենսգրքի 132-րդ, 132¹-րդ հոդվածների հատկանիշներով վարույթ է իրականացվել 15 քրեական գործերով: Նշված գործերից մի քանիսը միացվել են և արդյունքում փաստացի դրանց քանակը կազմել է՝ 11 քրեական գործեր:

Բոլոր 11 գործերը վերաբերվել են կանանց պոռնկության շահագործմանը: Դրանցից 5-ը վերաբերվել են ներքին թրաֆիքինգի դեպքերին, 1-ով շահագործումը իրականացվել է և Թուրքիայում և ՀՀ-ում, 1-ով նպատակակետ երկիր է հանդիսացել Թուրքիան, 4-ով՝ ԱՄԷ-ն:

Նշված գործերով հայտնաբերվել և տուժող են ճանաչվել 19 զոհեր, որոնցից 3-ը հանցագործության կատարման ընթացքում եղել են անչափահասներ:

Մեղադրյալները թվով 15-ն են:

2010թ. ՀՀ քր.օր.-ի 132, 132¹ հոդվածներով քր. գործերը ըստ ուղղությունների					
Քր. գործ	Նոր զոհ	Նոր մեղադրյալ	Սկզբնաղբյուր երկիր	Վերջնակետ երկիր	Շահագործման ձևը
5	9 որից կին-9 Անչափահաս-2	6 որից կին-2	ՀՀ	ՀՀ	Պոռնկություն
1	1 որից կին-1	2 որից կին-1	ՀՀ	Թուրքիա, ՀՀ	Պոռնկություն

1	1 որից կին-1	2 որից կին-2	ՀՀ	Թուրքիա	Պոռնկություն
4	8 որից կին-8 Անչափահաս-1	5 որից կին-4	ՀՀ	ԱՄԷ	Պոռնկություն
ԸՆԴՀԱՆՈՒՐ					
11	19 որից կին-19 Անչափահաս-3	15 որից կին-9			Պոռնկություն

2010թ.-ի ընթացքում քննված 11 քր. գործերից 5-ը ավարտվել և ուղարկվել են դատարան, 5-ով նախաքննությունը շարունակվում է և դրանք փոխանցվել են 2011թ., 1 քրեական գործ կասեցվել է ՀՀ քր.դատ.օր.-ի 31-րդ հոդվածի 1-ին մասի 2-րդ կետով:

2010թ. ՀՀ քր. օր.-ի 132, 132¹ հոդվածներով քր. գործերի ընթացքը			
Քր.գործեր	Դատարան	Կասեցված	Ընթացքում
11	5	1	5

15 մեղադրյալներից 13-ը գտնվում են կալանքի տակ, 1-ի նկատմամբ խափանման միջոց է ընտրվել չհեռանալու մասին ստորագրությունը և 1-ի նկատմամբ հայտարարվել է հետախուզում:

Տուժող ճանաչված, միջանկյալ նույնացված 19 զոհերից 12-ը ուղղորդվել են ՀԿ-ներ հետագա աջակցության նպատակով: Մյուս 7-ը հրաժարվել են աջակցություն ստանալուց:

ՀԿ-ներ են ուղղորդվել նաև նախնական նույնացված ևս 3 անձինք:

2010թ.-ի ընթացքում իրականացվել են 15 ամբաստանյալների նկատմամբ 9 քրեական գործերով դատաքննություններ: Ամբաստանյալներից 1-ը մահացել է, 4-ը դատապարտվել են համապատասխանաբար՝ 9 տարի 6 ամիս, 9 տարի, 8 տարի, 7 տարի 6 ամիս ազատազրկման ևս 1 ամբաստանյալի նկատմամբ կիրառվել է ՀՀ քր.օր.-ի 64-րդ հոդվածը և վերջինս դատապարտվել է 3 տարի ազատազրկման, մյուսներով դատաքննությունները շարունակվում են:

2010թ.-ի ընթացքում ձեռնարկված օպերատիվ հետախուզական միջոցառումների շնորհիվ պարզաբանվել են ՀՀ քր. օր.-ի 132-րդ, 132¹-րդ հոդվածների հատկանիշներով հանցագործություն կատարելու համար հետախուզվող 8 անձանց այլ պետության տարածքում գտնվելու վայրերը: Օտարերկրյա իրավապահ մարմինների հետ փոխհամագործակցություն է իրականացվում նրանց ձերբակալման և էքստրադիցիայի հարցերը լուծելու ուղղությամբ:

01.01.2010թ.-ի դրությամբ հետախուզման մեջ են գտնվել 20 անձինք, հաշվետու ժամանակահատվածում հետախուզում է հայտարարվել ևս 1-ի նկատմամբ, հայտնաբերվել

են 4-ը: 31.12.2010թ.-ի դրությամբ ՀՀ քր. օր.-ի 132-րդ, 132¹-րդ հոդվածների հատկանիշներով հանցագործություն կատարելու համար հետախուզման մեջ են գտնվում 17 անձինք:

<i>2010թ. ՀՀ քր. օր.-ի 132, 132¹ հոդվածներով հետախուզվողներ</i>			
01.01.2010թ.-ի դրությամբ	2010-թ.-ի ընթացքում հայտարարվել է	2010-թ.-ի ընթացքում դադարեցվել և հայտնաբերվել են	31.12.2010թ.-ի դրությամբ
20	1	4	17

ՀՀ քրեական օրենսգրքի 166 հոդված

«Երեխային հակահասարակական գործունեության կատարելուն ներգրավելը»

2010թ.-ի ընթացքում ՀՀ քրեական օրենսգրքի 166-րդ հոդվածի՝ անչափահասին պորնոլուքյան հետ կապված գործողություններ կատարելուն ներգրավելու հատկանիշներով հարուցվել և վարույթ է իրականացվել քրեական 1 գործով: Այդ գործով մեղադրյալ է ներգրավվել 1 անձ, տուժողների քանակը նույնպես 1-ն է: Գործի նախաքննությունը ընթացքի մեջ է:

<i>2010թ. ՀՀ քր. օր.-ի 166 հոդվածով հարուցված քր. գործերը ըստ ուղղությունների</i>					
Քր. գործ	Նոր գոհ	Նոր մեղադրյալ	Սկզբնաղբյուր երկիր	Վերջնակետ երկիր	Ներգրավման ձևը
1	1 որից կին-1 Անչափահաս-1	1 որից կին-1	ՀՀ	ՀՀ	Պորնոլուքյուն

ՀՀ քրեական օրենսգրքի 168 հոդված

«Երեխայի առք ու վաճառքը»

2010թ.-ի ընթացքում ՀՀ քրեական օրենսգրքի 168-րդ հոդվածի հատկանիշներով վարույթ է իրականացվել 2009թ.-ին հարուցված և 2010թ. փոխանցված քրեական 1 գործով:

Նշված գործով 2010թ.-ի ընթացքում հայտնաբերվել են իգական 2 նորածին զոհեր, ինչպես նաև որպես մեղադրյալ են ներգրավվել 5 անձինք: Գործը ավարտվել և ուղարկվել է դատարան:

<i>2010թ. ՀՀ քր. օր.-ի 168 հոդվածով վարույթ իրականացված քր. գործ</i>				
Քր.	Նոր	Նոր	Սկզբնաղբյուր երկիր	Վերջնակետ երկիր

գործ	զրհ	մեղադրյալ		
1	2	5	ՀՀ	ՀՀ

ՀՀ քրեական օրենսգրքի 126 հոդված

«Մարմնի մասեր կամ հյուսվածքներ տալուն հարկադրելը»

2010թ.-ի ընթացքում ՀՀ քր. օր.-ի 126-րդ հոդվածի հատկանիշներով հանցագործության դեպքեր չեն արձանագրվել:

ՀՀ քրեական օրենսգրքի 261, 262 հոդվածներ

«Շահադիտական նպատակով այլ անձի պորնկուլյամբ զբաղվելուն ներգրավելը»

«Պորնկուլյամբ զբաղվելուն նպաստելը»

2010թ.-ի ընթացքում ՀՀ քրեական օրենսգրքի 261-րդ, 262-րդ հոդվածների հատկանիշներով հարուցվել են քրեական 31 գործեր, որոնցով բացահայտվել են հանցագործության 43 դեպքեր: Դեպքերից 1-ը վերաբերվել է Թուրքիա փոխադրելով անձի պորնկուլյամբ զբաղվելուն նպաստելուն, 20-ը՝ մահճակալներով սննդի օբյեկտների՝ «Հյուրանոցային համալիների» աշխատակիցների կողմից պորնկուլյամբ զբաղվելուն նպաստելու դեպքերին, որից 1-ը անչափահասի օգտագործմամբ, 9 դեպքերը տաքսու վարորդների կողմից պորնկուլյամբ զբաղվելուն նպաստելու դեպքերին, իսկ մնացած 13-ը պորնկուլյամբ զբաղվելուն նպաստելու, ներգրավելու այլ դեպքերին, որոնցից 1-ը անչափահասի օգտագործմամբ:

<i>2010թ. ՀՀ քր.օր.-ի 261, 262 հոդվածներով քր. գործերը ըստ բնույթի</i>					
Քր. գործ	Հանց. դեպք	Միջսահմանային	Հյուրանոցային համալիր	Տաքսու վարորդ	Այլ
31	43	1	20	9	13
		<i>որից ՀՀ- Թուրքիա -1</i>	<i>անչափահասին - 1</i>	<i>անչափահասին - 0</i>	<i>անչափահասին - 1</i>

ՀՀ քր.օր.-ի 261-րդ, 262-րդ հոդվածների հատկանիշներով հանցագործություն կատարելու համար 01.01.2010թ.-ի դրությամբ հետախուզման մեջ են գտնվել 7 անձինք, 2010թ.-ի ընթացքում 1 անձի նկատմամբ հայտարարվել է հետախուզում, նույն ժամանակահատվածում հայտնաբերվել են 2 հետախուզվողներ: 31.12.2010թ.-ի դրությամբ հետախուզման մեջ են գտնվում 6 անձիք:

2010թ. ՀՀ քր. օր.-ի 261, 262 հոդվածներով հետախուզվողներ			
01.01.2010թ.-ի դրությամբ հետախուզվել են	2010-թ.-ի ընթացքում հայտարարվել է	2010-թ.-ի ընթացքում հայտնաբերվել են	31.12.2010թ.-ի դրությամբ հետախուզվում են
7	1	2	6

2010թ.-ի ընթացքում ՀՀ ոստիկանության կողմից իրականացվել են նաև թրաֆիքինգի դեմ պայքարի ոլորտի բարելավմանն ուղղված միջոցառումներ:

Հասարակական և միջազգային կազմակերպությունների հետ համատեղ, ոստիկանության համակարգմամբ և անմիջական մասնակցությամբ ոստիկանության թվով 104 աշխատակիցների համար կազմակերպվել են «Թրաֆիքինգի» խնդիրներին վերաբերվող դասընթացներ: Թվով 6 աշխատակիցների համար դասընթացներ են կազմակերպել Վրաստանում, Բելառուսի Հանրապետությունում՝ այլ պետությունների ներկայացուցիչների հետ համատեղ:

Ոստիկանության աշխատակիցները ակտիվ մասնակցություն են ունեցել տեղական և միջազգային խորհրդածոլոգներին և հանդիպումներին:

Ոստիկանության կողմից մշակվել և ՄԱԶԾ աջակցությամբ հրապարակվել է իրավապահ մարմինների համար նախատեսված՝ «Մարդկանց թրաֆիքինգի հետ կապված հանցագործությունների քննությունը» մեթոդական ձեռնարկը:

Շարունակվել են ՀՀ քրեական օրենսգրքում փոփոխություններ և լրացումներ կատարելու մասին ՀՀ օրենքի նախագծի հետ կապված աշխատանքները: Վերջինս ներկայումս գտնվում է ՀՀ ազգային ժողովում՝ 2-րդ ընթերցման փուլում:

Մարդկանց շահագործման /թրաֆիքինգի/ զոհ դարձած անձանց ազգային ուղղորդման կարգի դրույթները պատշաճ կատարելու նպատակով մշակվել և 27.01.2010թ.-ին ընդունվել է ՀՀ ոստիկանության ԿՀԴՊ ԳՎ պետի թիվ 55Գ հանձնարարականը, որով մանրամասն հստակեցվում են ՀՀ ոստիկանության տարածքային և այլ շահագրգիռ ստորաբաժանումների հետ ԿՀԴՊ ԳՎ փոխհամագործակցության, թրաֆիքինգի հետ կապված հանցագործություն կատարած անձանց հաշվառման, տեղեկատվության փոխանցման մեխանիզմները:

Կատարելագործվում է համապատասխան վերլուծական համակարգչային ծրագիրը: Այդ ուղղությամբ ակտիվ փոխհամագործակցություն է իրականացվել ՀՀ-ում ԱՄԿ գրասենյակի հետ, որի արդյունքում պայմանավորվածություն է կնքվել ձեռք բերվել համապատասխան վերլուծական համակարգչային ծրագիր: Ծրագիրը գտնվում է

հայաֆիկացման փուլում և նախատեսվում է տրամադրել ԿՀԴՊ ԳՎ-ին 2011թ.-ի 1-ին կիսամյակում:

Հասարակության իրազեկումը բարձրացնելու նպատակով նյութեր են տրամադրվել զանգվածային լրատվական միջոցներին, հարցազրույցներ են տրվել տասնյակ լրագրողների:

Կազմակերպվել և անց են կացվել «Նելեգալ-2010» համալիր միջոցառումները ՀՀ սահմանային անցակետերում:

Սույն թվականի դեկտեմբերի 6-7-ը ՀՀ Երևան քաղաքում կազմակերպվել է ՀԱՊԿ անդամ պետությունների ՆԳՆ/Ոստիկանությունների թրաֆիքինգի մասնագիտացված ստորաբաժանումների պետերի և առաջատար մասնագետների աշխատանքային հանդիպումը, որի արդյունքում մասնակիցների կողմից ստորագրվել է փոխհամագործակցության բարելավմանն ուղղված արձանագրություն:

ՀՀ ՈՍՏԻԿԱՆՈՒԹՅՈՒՆ